



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Expositio Cavsarvm Quibus S. R. M. Sveciae bellum à  
Rege Regnoque Daniae sibi illatum, etiam post Pacem  
Roschildiae initam, continuare coacta fuit**

**Coyet, Peter Julius**

**[S.l.], 1658**

Lit. F. Tertia Declaratio Regis Daniae, concernens pacis negotium.

**urn:nbn:de:hbz:466:1-10534**

andos offerant, Sacra Reg. M. Sveciæ taliter super ea retine se declarabit, ne ullam occasionem conquerendi prædicti D. Dn. Ordines Generales habituri sint, quemadmodum hoc S. R. M. uberius coram apud Aulam suam existentibus D. Dn. Legatis Belgicis Ipsa non semel exposuit. Quæ omnimodo serio Pacem cum Sacra R. M. Sveciæ inire Serenissimus Rex Daniæ intendat, non improbare poterit, ac propterea in locum ad confinia Regnorū Commissariorum congressui aptum consentiet, & diem præfiget, quibus intellectis S. R. M. Sveciæ statim, & suos Commissarios missura est, & Salvos Conductus in requisita forma expediri, ac in manus Dominorum Mediatorum extradi curabit, quo auxiliante Divina gratia, hoc Pacificationis negotium brevi inchoari, ac ad optatum finem perducere possit. Hæc sunt, quæ S. R. M. Sveciæ occasione repetitæ Serenissimi Daniæ Regis declarationis Illustri Domino Ablegato Serenissimi Domini Protectoris Angliæ, Scotiæ, & Hybernæ significari ac sub Regii Sigilli impressione Eidem extradi clementer jussit. Wismariæ d. 7. Decemb. Anno 1657.

Lit. F.

### Tertia Declaratio Regis Daniæ, concernens pacis negotium.

Quamquam Serenissimus ac Potentissimus Daniæ ac Norvegiæ Rex Dominus noster Clementissimus, tertia die proxime elapsi mensis Novembris, ad declarationem Serenissimi Sveciæ Regis, in hoc pacis negotio Serenissimi ac Cellissimi Angliæ, Scotiæ & Hybernæ Domini Protectoris Ablegato Extraordinario, dato responso, tam clare & perspicue in illis, quæ ulteriorem explicationem requirebant, mentem suam exposuerit, ut remotis omnibus obstaculis, ad rem ipsam progredi, Sveciæ Regi in proclivi fuisset, tamen præter spem & opinionem, in nupera die septima hujus mensis Wismariæ exarata ulteriori declaratione Svecica animadvertit, quod speciosum quidem pacis nomen, ab adversa parte prætexatur, tantis vero difficultatum laqueis hæc præliminaria, de justitia belli, loco tractatum, ordinum generalium uniti Belgii mediatione, sub certis circumscriptis conditionibus, non ita facile adimplendis, tandem concedenda, involvantur; ut satis cuius constet hæc ipsa, non ad promovendum hoc Pacis negotium, sed ad nova sufflamina excitanda, potius conducere, ut & inde, de serâ Regis Sveciæ ad hosce Tractatus inclinatione, dubium suboriri queat.

Non ea fuit mens Sereniss. ac Potentiss. Daniæ Regis in prædicto suo responso, justissimæ causæ armorum suorum patrocinium querere, cum ea sæpius à probatis approbata, & æquos arbitros jam invenerit. Neq; putat sat firmo niti fundamento, locum Tractatum in confiniis Regnorum tam necessario præfigendum, ut alius quamvis commodior nullatenus admittendus sit, cum antiquitus, & in priori sæculo, in diversis locis, utpote Rostochii & Stetini Tractatus pacis inter hæc Regna Septentrionalia instituti & conclusi fuerint, & ipse Rex Sveciæ, referente Legato

B

Gallico



Gallico Dn. de Meules, præterito mense Augusti, ad congressum Commissariorum utriusque partis, locum in Jutia elegerit; nihilque impedit, (uti ab adversa parte obijcitur) quod minus hoc brumali tempore, postquam tabulariis de securitate cautum, Documenta ad hosce Tractatus necessaria, absq; ullo omnino periculo; è Sve-  
cia per Regna hæc commode Lubecam transferri possint. Nec præterea aut intentioni aut verbis præfati responsi, altissime memoratæ Sux Regiæ Majestatis Daniæ ac Norvegiæ consentaneum, ut omnium accolarum Maris Balthici controversiæ nullo modo ad hoc bellum Dano-Svecicum spectantes, in hac Pacificatione simul decidantur, sed tantum Confœderatorum, & quidem illorum, qui speciale interesse in illo habent. Non tamen, uti vult hoc responsum Svecicum, ut illi huic negotio Pacis tantum adsint, ibidemq; compareant, sed ut simul & pari passu ad hos tractatus admittantur. Quoad mediationem Celsorum ac Præpot: Dominorum Ordinū Generaliū uniti Belgii, Sua Regia Majestas Daniæ ac Norvegiæ, illam in principio hujus belli solenniter à Dominis Legatis Ordinum Extraordinariis, oblatam, & tunc temporis à Sua Regia Majestate approbatam, jam neq; honeste recusare, nec ab illa desistere, multo minus ad Tractatus Elbingensis ratificationem, post annum & ultra protractam, differre potest, præcipue cum & illorum causa, quoad libertatem ac securitatem commerciorum in mari Balthico ibi agenda sit.

Quamprimum itaq; Sereniss. Rex Sveciæ admissionem hanc alte prædictorum Ordinum Generalium, ad interpositionem compositionis hujus belli simul ratam habuerit; quoad locum Lubecam, vel alium in vicinia commodum approbaverit; & ut illi in priori responso nominati confœderati Sux Regiæ Majestatis Daniæ ac Norvegiæ, simul ut partes huic Pacis negotio intersint, consensum suum præbuerit, Salvosq; conductus ad hoc necessarios, in debita forma, Dn. Mediatoribus exhibuerit, & certam diem ad congressum præfixerit, Sua Regia Majestas Daniæ & Norvegiæ similibus & aliis requisitis, in Tractatione de Anno quadragesimo quarto utrinq; placitis ex asse satisfaciet. Ut tandem pax fida & honesta, tanta sollicitudine, & laudabili conatu à Serenissimo ac Celsissimo Domino Protectore Angliæ, Scotiæ & Hyberniæ, inter hæc Regna Septentrionalia quæsita, absq; ulteriori mora reducat, & illa inter se firmo ac indissolubili pacis vinculo, ad concordiam redigantur. Quibus conatibus, ut Divinum Numen successus felices largiatur, Serenissimus ac Potentissimus Daniæ ac Norvegiæ Rex animitus vovet, & hæc ipsa ad prædictum responsum Svecicum pro ulteriore explicatione memorata, Sux Serenissimæ Celsitudinis Domino Ablegato, cum iterata Gratia Regiæ oblatione, sub Sigillo Regio exhiberi jus sit. d. 27. Decembr. Anno 1657.

Lit. G.

Literæ Ablegati Anglici Philippi de Meadove ad S. R. M.

Sveciæ, quibus Danorum ad ineundam pacem propensionem, post occupatam à Suecis Fioniam, notificat.

**I**N absentia Nobilissimi Domini Jephsonii Ablegati Extraordinarii Angliæ ab  
Aula